330

Questa matina, parlando con lo illustrissimo Capitanio Zeneral, sua excelentia me disse: « Siate certo 329* Proveditor che io ho vinta la guerra dummodo le gente siano satisfate, che io le possa adoperar quando serà bisogno. Dicendomi che faccia preparar artellarie et monitione. Unde ho expedito a Crema el magnifico domino Francesco Contarini orator, aziò habbia a solecitar che li canoni restanti siano preparati insieme cum alcuni altri che dieno venir da Bressa et Bergamo, cum tutte le sue munitione siano condutti a Lodi; et molto prontamente è andato. Item, scrive se mandi danari perchè li poveri fanti et cavali leggieri et homeni d'arme stanno con grandissima spesa per el viver ch' è caro. Doman cum el nome de Dio nui marchieremo et se levaremo più a bon hora che poteremo per andar ad alogiar a Locato, miglia 5 apresso Milano, per veder quel farà Milano et Pavia per esser in megio l'un et l'altro. A hora ne è venuta una nova quale molto me ha despiasesto, et è stato gran pecato perchè era vero servitor di questo Stato; che andando a sopraveder domino Zuan de Naldo capo de cavali legieri per voler veder dove se havea a poner le artelarie, li fu tirato di uno moschetto et fu passato et morto, che Dio li perdoni. Inteso questa cosa, la excelentia del Duca et io ne parse andar da monsignor de San Polo, et consultato insieme è stà deliberado che 'l signor duca de Urbino preditto vadi a la dilta impresa de castel Santo Anzolo cum quela zente se atrova de li, conducendo altri 600 fanti. Io voleva andar cum lui monsignor de San Polo, et sua excelentia non hanno volesto mi parti; et per non discompiacerli mi è stato forza restar. Manda li conti di danari hauti et dispensati. Siando con monsignor di San Polo mi disse voler mandar a tuor de la malvasia a Venetia; però saria la Signoria di questo li facesse uno presente; etiam di qualche altra cosa.

Da Brexa, di sier Zuan Ferro capitanio et vice podestà, di ultimo, hore 2 di notte. Scrive la nova de la morte de domino Zuan di Naldo, al qual era stà comessa la impresa di castel Santo Anzolo. Li lanzinech in Milano con il Leva si sono sublevati, et gran tumulto, domandando danari. El Capitanio Zeneral va a la ditta impresa di castel Santo Anzolo, et tengo vadi per far la vendetta del Naldo che molto amava, el qual da un archobuso è stà morto. Hozi habbiamo inviati al campo 5 canoni cum le altre cose necessarie per trar 150 colpi per uno; etiam polvere, et ne mandaremo di l'altra. Ne hanno levato altri 10 tra Crema et Berga-

mo, oltra che havemo, al partir de li Orzi haveano 20 pezi tra cannoni et mezi cannoni senza le altre artelarie da campo, et senza quele che hanno li signori francesi ; sichè i se deliberano de farla a la gaiarda et expeditamente.

Di Antonio da Castello capo di colonello, di Landriano, a li 30 Agosto, a sier Gregorio Pizamano. Se manda zerca 3000 fanti de queli de Brisigela et il Clusone et del retroguarda per expugnar Santo Anzolo, con 6 pezi de artelarie da batere. Et iudico non aspecteranno perchè non se poranno tenere. Si è consultato di partire di questo alogiamento et andar apresso Milano 4 over 5 milia in su la strada, da favorire le cosse di Santo Anzolo et posser fare la impresa de Pavia; et anche perchè pare li lanzinech de Milano se siano sulevati a voler danari, et stanno in poca concordia, in modo che essendo a quel alogiamento, quando venisse da far qualche fatto se potria abilmente farlo; che Dio el voglia. Quando anco non acadesse, se andarà a la impresa de Pavia. Penso che dimane partiremo.

Post scripta. È venuta nova che queli di Santo 330* Anzolo l'hanno abandonato et sono intrati in Pavia; ma questo non fu vero. Doi altre bandiere de più DEVELOPE OF SECTION OF

Di Crema, di sier Luca Loredan podestà et capitanio, di 30. In materia di le artelarie preparate per mandar a Lodi.

Da Ravenna, di sier Alvise Foscari proveditor, di primo. Come ha hauto aviso che a Cesena et si feva fanti per il Papa; unde li fanti erano a Zervia per non haver danari è partiti, restati da 100. Et cussì li in Ravenna. Però se mandi danari etc.

Fo terminato mandar in campo questa sera ducati 3500 et a Ravenna ducati 1500. Et heri sera fo mandà con una barca in Histria a trovar el proveditor Vituri scudi 10 milia.

La tansa ha scosso fin tutto el mexe passato netti ducati 30 milia; et fo tirà le marele che non si scodesse più hozi.

Da poi disnar, fo Conseio di X con la Zonta.

Fu posto, che sier Antonio di Prioli procurator dal Bancho, qual ha ducati 6000 in la Procuratia ubligati del clero, in caso le lettere di cambio da Lion venisse, che la Signoria se servi de queli et a lui li sia ubligà le tanse che da hozi indrio si scoderà, ut in parte, fin la ditta summa. Fu presa.

Fu posto, che sier Marco Bragadin qu. sier Andrea dazier, qual ha tolto il dazio del vin nuovo et